

Delegat Mehmed Bradarić uputio je Vijeću ministara BiH **inicijativu** koja glasi:

“Cilj moje inicijative je jačanje svijesti i povećanje odgovornosti pri korištenju javnih sredstava. Naime, institucije BiH su u 2010.godini (nije bolje ni u 2011.godini) na ime tekućih izdataka, naknada troškova zaposlenih, putnih troškova, izdataka za usluge prijevoza, goriva i tekućeg održavanja vozila, unajmljivanja imovine i opreme, ugovorenih usluga itd. potrošile oko 180 miliona KM. Potrošnja ovih sredstava nije u dobroj mjeri vezana za obavljanje poslova i zadataka iz djelokruga institucija kao što je to slučaj s reprezentacijom, zapošljavanja na osnovu ugovora o djelu bilo je u kontinuitetu tokom cijele godine i to na poslovima sličnim poslovima sistematiziranih radnih mjesta, službena vozila prema nalogima koriste se i više od 365 dana u godini i potpuno u privatne svrhe, dakle neograničeno i nenamjenski bez ikakvih kontrolnih mehanizama, isplaćuju se naknade s posla i na posao, previše budžetskih sredstava isplaćuje se na ime naknade za fiksne i mobilne telefone itd. Dakle, još jednom ponavljam, moja inicijativa usmjerena je na jačanje svijesti i povećanje odgovornosti u pretjeranom korištenju javnih sredstava, i predlažem da Vijeće ministara BiH odmah definira pravila za namjensko korištenje javnih sredstava na svim nivoima odgovornosti institucija BiH i da definira ograničenje ove potrošnje.